

## **CIRCULAR PROBA DE FRANCÉS SEGUNDA LINGUA (Cód. 62)**

### **ABAU 2023**

*Á atención dos Departamentos de Francés dos centros de Ensino Secundario*

O exame de Segunda lingua estranxeira (Francés) para a ABAU do curso 2022/2023 non presenta modificacións con respecto á proba de 2022. Seguimos mantendo o modelo do curso pasado coa opcionalidade de responder á **4 de 6 cuestións/preguntas** formuladas.

O número de palabras suxerido nas redaccións (cuestións 5 e 6) é orientativo pero sí se penalizarán respostas demasiado breves ou demasiado extensas con respecto ao límite permitido. Hai **novidades** con respecto ós criterios de corrección da cuestión 6 (descrición) que veñen detalladas na circular informativa do 29/11/2022.

Para calquera dúbida ou consulta poden poñerse en contacto co grupo de traballo no seguinte correo electrónico: [nuria.rodriguez@usc.es](mailto:nuria.rodriguez@usc.es)

Características e formato da proba

#### **PROBA ESCRITA (90 minutos)**

##### **Características xerais:**

A tipoloxía dos textos será variada, nun rexistro de lingua estándar, e abordará, preferentemente, temas de actualidade e aspectos relacionados coa cultura francófona.

Proporanse aos alumnos/as SEIS preguntas das cales deberán responder CATRO, seleccionadas e combinadas libremente. As seis cuestións xiran en torno a preguntas de comprensión lectora, competencia léxica e gramatical sobre dous textos en lingua francesa cuxa extensión se sitúa nas 300 palabras orientativamente. Os alumnos/as DEBEN SELECCIONAR CATRO preguntas e contestalas adecuadamente en francés.

##### **Características das preguntas sobre os textos e criterios de valoración:**

Formularanse SEIS PREGUNTAS EN TOTAL:

- 1) Pregunta 1: Test de comprensión lectora sobre os textos. Puntuación: 2,5 puntos

O alumnado contestará verdadeiro ou falso **a dez preguntas sobre un dos textos seleccionados**. Deberá seleccionar o enunciado 1.1. ou o enunciado

1.2. para responder ás preguntas correspondentes. Dado que o número de preguntas formuladas sobre o texto pode presentar pequenas variacións, a valoración específica de cada unha delas será a que figure no exame no enunciado da pregunta 1 (ata un total de 2,5 puntos).

2) *Pregunta 2: Exercicios de competencia léxica e gramatical (morfosintaxe) sobre o **texto 1**.* Puntuación: 2,5 puntos

Esta pregunta ten por obxectivo verificar o coñecemento práctico dos aspectos léxicos e morfosintácticos da lingua francesa. Pedirase ao alumnado, preferentemente, que transforme ou complete estruturas oracionais, substitúa elementos dunha oración, busque sinónimos etc.

Os alumnos/as deberán buscar TRES sinónimos (0,75 puntos) e completar as preguntas de gramática (1,75 puntos).

3) *Pregunta 3: Exercicios de competencia léxica e gramatical (morfosintaxe) sobre o **texto 2**.* Puntuación: 2,5 puntos

Esta pregunta ten por obxectivo verificar o coñecemento práctico dos aspectos léxicos e morfosintácticos da lingua francesa. Pedirase ao alumnado, preferentemente, que transforme ou complete estruturas oracionais, substitúa elementos dunha oración, busque sinónimos etc.

Os alumnos/as deberán buscar TRES sinónimos (0,75 puntos) e completar as preguntas de gramática (1,75 puntos).

4) *Pregunta 4 : Expresión e comprensión escrita (resumen e título).* Puntuación: 2,5 puntos

O estudante deberá seleccionar UN dos dous enunciados propostos. Pediráselle que elabore un título suficientemente esclarecedor (0,5 puntos) e un breve resumen en francés — sen copiar literalmente do texto—cunha extensión en torno a **cincuenta** palabras (2 puntos).

5) *Pregunta 5 : Expresión escrita (redacción).* Puntuación: 2,5 puntos

O estudante deberá seleccionar UNHA das dúas redaccións propostas. Pediráselle que elabore unha pequena redacción en francés cunha extensión en torno a **setenta e cinco ou cen** palabras.

6) *Pregunta 6: Expresión escrita (descripción).* Puntuación: 2,5 puntos

Esta pregunta pretende avaliar a capacidade comunicativa do alumnado no ámbito da produción escrita a través da descrición de monumentos e lugares parisiños ou personaxes francófonos populares.

Os estudantes deberán demostrar que identifican o tema proposto e que poden describilo fisicamente (e/ou psicolóxicamente ou mesmo a traxectoria, no caso dun personaxe) nun texto coherente e realista dunha extensión aproximada de **cincuenta ou setenta e cinco** palabras. Terase

en conta a ortografía, a morfosintaxe e a correcta expresión na lingua francesa.

☞ *Véxase circular do 29/11/2022.*

Nas preguntas de produción escrita (as tres últimas), valorarase en xeral a coherencia do discurso, a fluidez na expresión, a corrección morfosintáctica, así como a riqueza de recursos expresivos do alumno/a.

**Puntuación total da proba escrita: 10 puntos**